

杏苑生春

卷之六



發刻醫家必究杏苑生春六卷下

方木香橘皮湯

橘紅

半夏

茯苓 各一錢

白朮 帶一錢五分

厚朴

四分

木香

大腹皮

各五分

硝砂仁 七枚

木通

四分

生薑

五片

甘草

炙二分

氣弱

加人參

八分

白朮

五分

右剉用水煎八分。食前溫服。

治

七情氣鬱停滯。疾飲中脘。痞滿腹脹。氣喘。名曰氣分。以四七

湯。

方見三卷內。

相和枳朮湯主之。

方見四卷內。

治

怒氣不節。肝木不平。邪來脾胃。心腹脹滿。頭眩嘔逆。脉來浮

弦。以平肝飲子主之。

方

平肝飲子

防風

桂心

枳殼

赤芍藥

桔梗

甘草

炙四分

木香

人參

檳榔

當歸

川芎

橘紅

各七分

生薑

五片

右咬咀。用水煎八分。食遠服。

治腹脹之人。元氣有餘。或宿食不消。以消脹丸主之。

方消脹丸

木香

黑牽牛

炒

蘿蔔子

檳榔

各等分

右件。依法修合。為末。滴水為丸。如梧桐子大。每服三十丸。薑

湯送下。

治憂思過度。致傷脾胃。心腹膨脹。喘促煩悶。腸鳴氣走。漉漉有

聲。大小便不利。脉虛緊而瀉。以紫蘇子湯主之。

方紫蘇子湯

紫蘇子

橘紅

木通

白不各一錢

人參

大腹皮

草果各七分

半夏八分

厚朴

木香

枳實各五分

甘草四分炙

右剉一劑用生薑五片。棗子二枚。水煎食前服。

治濁氣在上則生腹脹以木香順氣湯主之。

木香順氣湯

木香

乾薑

升麻

柴胡各四分

厚朴

白茯苓

澤瀉

半夏各一錢

青皮紅六分

橘紅六分

益智仁

莫朮各三分

草薢

當歸各五

蒼木八分

右咀一劑水煎熟。食前溫服。

治中滿寒脹寒疝。大小便不通。陰躁足不收。四肢厥冷。食入反



出下虚腹寒。心下痞。下焦躁寒。沉厥奔豚不收。以中满分消湯主之。

〔方〕中满分消湯

益智仁

木香

青皮

當歸

柴胡

各五分

半夏

茯苓

升麻

各一錢

川烏

七分

人參

六分

乾薑

葶藶

黃連

黃芪

莫茱萸

草薢

厚朴

黃蘗

各二分

一方有澤瀉。無汗加麻黃。各五分。

右剉一劑。用水煎。加生薑五片。同煎空心服。

〔治〕腹脹面目發黃。小便赤少。乃脾弱濕熱也。以茵陳白朮湯主

之。方見五卷內。

〔治〕中滿腹脹。內有積聚。堅硬似石。其形如盤。令人不能坐臥。大

小便澀滯上氣喘促面色痿黃通身虛腫以廣茂漬堅湯主之。

〔方〕廣茂漬堅湯

蓬茂

半夏

澤瀉

神麴

厚朴

各七分

當歸

七分

黃芩

益智仁

升麻

甘草

炙

柴胡

葛根

各四分

草薢

青皮

各五分

黃連

萸茱萸

紅花

各三分

橘皮

六分

右咬咀水煎用生薑三片同煎食遠溫服。

〔治〕

面黃腹脹

喜喫茶鹽之物腹中疼痛此有蟲積壯實者以無

憂散若久病虛人有此以二陳湯加木香檳榔雷丸青皮

主之勿服前藥。

〔方〕無憂散

黑牽牛

取頭末六錢

檳榔四錢

大黃

四錢

雷丸二錢

木香二錢

蕪荑一錢

右件依法修合各為細末和勻每服大人三錢小兒一二錢

看大小斟酌空心砂糖調下取去蟲積為度或早莢煎膏

為丸如梧桐子大每服三錢砂糖湯下亦可大小虛實量

與。

〔治〕腹中寒脹。少食難消。或胃脘疼痛連小腹。以草薤菹湯主之。

〔方〕草薤菹湯

草薤菹

半夏

枳實

各八分

黃芪

益智仁

甘草

木香

澤瀉

神麴

各五分

橘皮

當歸各一錢

青皮

四分

茯苓

一錢

分

右咬咀。生薑三片。用水煎熟。食前服。

治鼓脹以禹餘糧丸

為切當亦須隨症順時

加減服之

禹餘糧丸

禹餘糧 三兩八針砂內製摩

真鐵砂

五兩以水洗淨空乾用鉄銚炒乾却入禹餘糧一

通紅銚出頃葉於淨磚

蛇含石

大者三兩以鉄銚盛入炭火中煨藥與銚

右件為主其次量人虛實入下項藥治多是取轉推此三物

既非大戟等比又有下項扶持故虛老人可服

木香

牛膝

蓬朮

白茯苓

桂心

川芎

白芷

茴香

京三稜

羌活

茯苓

當歸

乾薑

炮

青皮

去白

黑附子

各七錢

右件依法製度為末。和勻用蒸餅糊為劑。再搗極勻。丸如梧

桐子大。每服五十丸。溫酒空心送下。忌食鹽。否則發甚。

治停飲積滯。諸氣不和。腹膨而脹。以木香順氣丸主之。

木香順氣丸

京三稜

石三稜

雞爪三稜

俱用酒浸炒。檳榔

橘紅

半夏薑製

蘿蔔子炒

八參

白茯苓

木香

各一兩

白芷薑

五錢

硝砂仁

五錢

黑牽牛

取頭末二兩五錢

右件依法修合為末。薑汁煮蒸餅糊為丸。如梧桐子大。每服

五十丸。食遠橘皮湯下。

○痞

夫痞與否同。不通泰也。由陰伏陽。蓄氣與血不運而成。處心下

位中央。臍滿痞塞者。皆土之病也。與脹並。有輕重之分。痞則內



覺痞悶外無脹急之形而心下滿不痛者是也。蓋太陰濕土主壅塞乃土來心下爲痞滿。且如傷寒下之太早亦爲痞乃因寒傷其榮。榮者血也。心主血邪入於本故心下痞。仲景立瀉心湯數方皆用黃連以瀉心下之土邪其効如神。非止傷寒如此至於酒積雜病下之太過則亡陽亡陰者謂脾胃水穀之陰亡致胸中之氣因虛而下陷於心之分野故亦成痞宜升胃氣以血藥兼之。若全用氣藥則氣愈下降其痞益甚必變爲中滿鼓脹也。又有中氣虛弱不能運化精微爲痞者有飲食痰積不能施化爲痞者有濕熱太甚爲痞者有食後感寒鬱中飲食不化爲痞者有氣實爲痞者有肥人痰實爲痞者有瘦人火實爲痞者各當推其所因察其色脉而施治法耶。

〔脉〕痞滿滑大痰火作孽弦伏中虛微瀼衰劣。

治稟受素弱轉運不調飲食不化心下痞以二陳湯加白朮山查子翹藥主之。方見三卷內。

治肥人心下有痰而痞者以二陳湯加蒼朮硝砂仁枳實主之。

治稟氣充實心下痞以二陳湯加黃連枳實厚朴主之。方俱見

治瘦人熱鬱中焦為痞者以二陳湯加枳實黃連升麻主之。方見

三卷內。

治中氣虛弱不能運化精微心下痞者以香砂六君子湯主之。

方見四卷內。

治有飲食痰積不能施化為痞者以枳朮二陳湯加薑炒黃連

王之亦治心下痞悶。方見二卷內。

治濕熱太甚為痞者以甘草瀉心湯去乾薑主之。方見四卷內。

治食後感寒飲食不化心以二陳湯加藿香草薢薤白

茱萸縮砂仁主之 方見三卷內

病憂思氣結。心下痞滿。不思飲食。食之不散。常常痞氣。以木香化滯湯主之。 方見三卷內。

治虛寒不散。心下痞。或寬或急。常喜熱物。以枳實理中湯。

方枳實理中湯

枳實

人參

白朮

各二錢五分

甘草

炙一錢

乾薑

一錢五分

右吹咀。水煎熟。食前溫服。

病七情所傷。結滯成痰。痞塞滿悶。以導痰湯。加木香主之。 方見三卷內。

內。

治氣食不散。心下痞悶。以香砂寬中湯。

方香砂寬中湯

香附子

厚朴

枳殼

各二錢

確砂仁七枚

半夏

茯苓

各一錢五分

橘皮

一錢

甘草

五分

右咬咀水煎熟食遠溫服

治心下虛痞惡食懶倦以消痞丸。

方消痞丸

枳實

黃連

各五錢畧炒去土

乾生薑一錢

人參

半夏

各三錢

厚朴

四錢

甘草

炙

白朮

白茯苓

麥蘖麴

各二錢

右件依法製度爲末蒸餅糊爲丸如梧桐子大每服五六十

丸沸白湯食遠送下。

痢憂思氣結傷脾而成痞滿是也。

治法當踈散結氣經云辛以散之故用諸苦辛以散痞結活滯

血踈肝清熱以木香化滯湯治之

方見三卷內

汗多亡陽中氣虧敗致成痞滿法當補中益氣散寒痞以調血也

左健中湯

甘草 炙七分

大棗 三枚

黃芪 三錢

乾薑 二錢

肉桂 一錢

川芎 二錢

白芍 七分

右咬咀水煎熟溫服。○一方有阿膠。

積聚

夫積有五難經備詳其由蓋肝之積曰肥氣在左脇下大如覆杯有頭足令人發咳逆痰瘧連歲不已診其脉弦而細其色青兩脇下痛引小腹男子為積疝女子為癥聚心之積曰伏梁其狀起於臍上大如臂猶梁之橫架於胸膈間其脉沉細而芤其

色赤。腹熱心煩。面赤咽乾。令人食少羸瘦。甚則吐血。又有小腹盛滿。上下左右有根。裏大膿血居腸胃之外。每切按之致氣者。下則因陰。必去膿血。上則迫胃脘。生膈俠胃。脘內癰。此亦名扶梁。乃久病也。難治。居臍上爲逆。居臍下爲從。勿動。亟奪脾之積。名痞氣。其狀見於胃脘。大如覆杯。痞塞不通。其脉浮大而長。其色黃。遇飢則減。遇飽則見。腹常飽滿。足腫吐瀉。久則肉削。令人四肢不收。發黃疸。飲食不爲肌膚。肺之積名息。貫其狀在右脇下。大如覆杯。洒淅寒熱。發肺壅喘咳奔溢。其脉浮而毛。其色白。氣逆皆痛。目喜閉而膚寒。皮中時痛如刺。或如虱緣。腎之積名曰奔豚。其狀發於小腹。或湊心下。上下無時。若奔走之狀。其脉沉而急。其色黑。飢則見。飽則減。小腹裏急。腰痛骨冷。眼昏口乾。久則令人骨瘦少氣也。至如六聚在六腑。其痛上下亦無常處。

在上則格在下則脹牽引兩脇如胚塊易於轉動此與五積爲異耳雖曰七情之氣尅制五臟積聚而成然必因氣結聚痰飲飲食敗血之類而後堅硬若此發明之物早能辯其脉症投以藥餌或以導引之法猶云庶幾若其見形於皮膚之內藥入腸胃熏蒸之所不及誠爲難治之症三陽急爲癰三陰急爲疝凡積在中爲痰飲在左是血積在右是食積及有痞癖癥瘕痞者如筆管之狀在腹內癖者偏在腹之兩旁癥者止而不動其處癰者或聚或散或在上下左右無定處然雖名狀不一皆不越平制肝補脾使正氣勝而邪伏矣此正潔古張先生所謂養正積自除矣故大積大聚裏其大半而止切不可輕用硃砂等暴削之物先使元氣受傷其疾豈得愈也壯實之人尚不可過何況虛人有積者乎凡脉實強者或沉小者生經云有積聚脉必

結伏。若得浮結。則脉不應病也。

脉症備詳

脉經曰。脉來細而附骨者。積也。在寸口。積在胸中。微出寸口。積在喉中。在關上。積在臍傍。上關上。積在心下。微下關。積在小腸。微入尺。積在氣冲。脉出右。積在右。脉出左。積在左。脉兩出。積在中央。

脉來小沉而實者。腸胃中有積聚。不下食。食即吐。

肝積脉弦而細。腎積脉沉而急。肺積脉沉而毛。按之臂心積脉浮而芤。上下無常處。

脉沉重而中散者。因寒食成積。脉左轉而沉重者。氣癥。積在胸中。

脉右轉出不至寸口者。內有肉癥。積在中焦。